



Merkado di Estudio i Profeshon ta organisá "Youth Power Lunch" pa studiantenan



Kòrsou, 15 di mei 2008

E Merkado di Estudio i Profeshon Korsou 2008 (Studie en Beroepenmarkt Curaçao 2008) ouspisiá dor di Kámara di Komèrsio di Kòrsou ta yuda studiantenan pa hopi aña kaba den nan eskoho pa un direkshon den estudio of trabou. E evento aki ta di kárakter informativo i tin komo meta pa stimulá i enkurashá hobennan pa tuma desishonnan determinante pa ku nan futuro.

E aña aki ta selebra e di 15 hubileo di e Merkado di Estudio i Profeshon i a skohe pa e tema "E hóben empresario" ("The Young Entrepreneur").

Den kuadro di esaki riba 4 di yúli 2008 Merkado di Estudio i Profeshon ta organisá un 'Youth Power Lunch' pa studiantenan ku meta pa rekoudá fondo pa sostené e evento aki.

E almuerzo aki ta keda otorgá na e miho shen studiantenan ku a pasa nan èksamen den edukashon sekundario ku éksito i tambe na sinkuenta estudiante ehemplar. E 'Youth Power Lunch' aki ta un primisia pa Kòrsou.

Studiantenan lo haña e oportunitat di sinta na mesa ku hendenan ehemplar di Kòrsou ku tambe mester a tuma e desishon di skohe kiko nan kier bira, unda nan kier bai studia i kiko nan kier bai studia. E oradó klave di e anochi lo duna ehèmpelnan i sirbi komo fuente di inspirashon pa e hobennan ku lo tin ku tuma sierto desishonnan pa ku nan futuro.

Tambe nos kier partisipá ku ta bai publiká dos edishon di e korant estudiantil "Kieskeurig". E prome edishon lo ta obtenibel na luna di yüni ku lo selebrá e hubileo di Merkado di Estudio i Profeshon. Den e edishon spesial aki lo repasa trayectoria di 15 aña i lo tira un bista den futuro pa ku e organisashon aki. Den luna di òktober lo saka e di dos edishon den kual lo bai infoma tokante di e kompanianan i institutonan di edukashon ku ta partisipá na Merkado di Estudio i Profeshon 2008.

Merkado di Estudio i Profeshon ta bai lansa su website nobo www.curacaostudyfair.com ku lo ta online for di 13 di mei proksimo.

Por bishitá e website pa buska informashon di komishon organisadó, skolnan i kompanianan ku lo partisipá na e evento i tambe reakshona den e buki di bishitante online. Di e manera aki institutonan di edukashon i kompanianan por 'download' formulario di inskripshon pa e evento pa asina registra nan partisipashon.

Pa más informashon i/of pregunta por tuma kontakto ku komishon organisadó di Merkado di Estudio i Profeshon, na telefòn +5999 462-2962 òf via email: info@curacaostudyfair.com